



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

§. II. De titulo requisito, & sufficiente ad legitimam præscriptionem?

---

[urn:nbn:de:hbz:466:1-73001](#)

*excludit;* & L. ult. C. Communia de usucap. ubi rubrica Baldi habet: *vitium defuncti nocet ejus successori universalis, etiam bonam fidem habenti.* Et ratio est; quia defunctus, & hæres ejus immediatus, sunt fictione juris, & civiliter una eademque persona; ergo possessio hæredis æquè infecta est, ac possessio auctoris defuncti. Not. tamen, malam fidem præsumptam, ex eo, quod quis proptiā auctoritate rem vacantem occupaverit, purgari possessione 30. anorum; Covarr. in reg. possessor. 2. p. 1. Q. 8. n. 8. ex L. ult. C. unde vi. Hoc tamen limita, ut non procedat in eo, qui alteri succedit in officio, vel beneficio; quia non succedit *ut heres*; sed jure collationis; Pithing cit. n. 17. Limita 2. si hæres rem ab antecessore possessam malam fide, possideret alio titulo, quam hæreditatis, v. g. *empti, &c.* L. 5. Q. 1. ff. de divers. temp. præscript. Sic enim quoad hoc non est eadem persona cum illo.

2363. Quæstio est 7. de hærede mediato, seu hæredis hærede? Resp. quod ei mala fides Auctoris non noceat; quia duplex fictio in eadem persona non admittitur ex eodem capite; hoc autem deberet hic fieri. Nam ex eadem mala fide primi defuncti testatoris, fictio 1. fieret in hærede immediato. 2. in mediato. Nec ex eo etiam, quod hæres mediatus onera hæredis immediati, si hic non satisfecit, solvere debeat. Nam hoc stat cum præscriptione dominii, sine fictione respectu primi defuncti, eò quod hic solum censeatur moraliter eadem persona, cum hærede immediato; non autem, primo defuncto; & onus ejus solutionis est *reale*, non vero *personale*, sicut est mala fides. Ampliatur hoc 1. ut etiam locum habeat in præscriptione longissimi temporis; nam & hæc per n. 2361. requirit bonam fidem, quæ caret hæres immediatus, utpote civiliter idem cum defuncto; & possessio hæredis, sumitur quoad suum initium à possessione defuncti, quo ponitur laboralisse vitio malæ fidei. Ampliatur 2. etiam ad casum, quo Monasterium, vel integra Communitas, successor universalis scribitur. Ratio est eadem; nam & hæc representat personam defuncti.

2364. Demum nota, quod mala fides respectu unius rei non impedit præscriptionem

alterius rei, bona fide possessa, L. si quis fundum ff. de acquir. possess. quia sic quo ad secundum habetur verè bona fides: Secus est de mala fide respectu personæ. Nam hæc respectu unius impedit præscriptionem contra alteram, v. g. possides fundum mala fide, quia scis alienum, sed putas esse Titii, cum sit Caij; quia sic rem possides cum peccato; ergo; Castropalaus p. 22. §. 10. n. 2. Pithing. cit. n. 75.

## §. II.

## De titulo requisito, &amp; sufficiente ad legitimam præscriptionem?

**T**itulus hic idem est, ac causa habilis 2365. ad transferendum Dominium. Nam, ut dicitur L. nullo, C. de rei vindicat. absq[ue] tali titulo non potest dominium præscriptione acquiri; hinc depositarius, dominium depositi non præscribit; idem die de similibus habentibus solum jus imperfectum. Notandum autem titulum alium esse coloratum (quo intelligitur titulus, qui revera intervenit, sed nulliter, ex aliqua causa latente) hinc dicitur etiam titulus solum *apparens* (v. g. Titius donavit tibi equum, qui habebatur pro domino equi, licet in re non sit) in hoc enim casu equum Donatarius possidet ex titulo colorato, seu apparente; quia donatio in re facta est, sed invalidè, defectu potestatis in donante; hinc Donatarius equum possidet *pro donato*. Quando autem talis titulus nec validus nec invalidus intervenit, & tamen possessor ex errore justo interveniente existimat, vocatur titulus *existimatus*, & dicitur rem possidere *romo*. Quando autem ob diuturnitatem temporis, quo quis rem possedit, ab ipso iure præsumitur intervenisse titulus, hic dicitur *præsumptus*, quo casu diuturnitas temporis supplet defectum tituli *veri*, vel *existimati*; sed tunc solum, quando est *ex bona fide*; nam lex præscriptionis non favet iniurianti, ut recte notat Fachinæus *Controv. juris*, l. 8. c. 26. quibus positis: non est dubium aliquem titulum requiri ad legitimam præscriptionem propriè acceptam; ut dicitur L. nullo, C. de rei vindicat. ibi: *nullo justo titulo precedente possidentes ratio juris dominium querere prohibet*; ergo

Hhh 3

jus

jus exigit titulum; ergo eum non præsumit; his positis:

**2366.** Quæstio est. 1. an ad omnem præscriptionem temporis ordinarii necessarius sit aliquis verus titulus saltem coloratus, vel *putativus*, seu existimatus? 2. an etiam sufficiat? 3. an idem procedat de titulo *merè præsumpto*, quando præscriptio est ordinarii temporis? 4. an sufficiat ad præscriptionem temporis longissimi? 5. quid requiratur, ut titulus *præsumatur*. Ad 1. Resp. quod sic; nam aliquis titulus requiritur, ergo vel *præsumptus*, vel coloratus, vel existimatus; at *præsumptus*, at dicimus ad præscriptionem temporis ordinarii, non sufficit; ergo vel coloratus, vel existimatus.

**2367.** Ad 2. Resp. ad omnem præscriptionem sufficere titulum *coloratum* (ut cum communi tradit Schneidewinus l. 2. infit. tit. 2. n. 37.) cùm inter titulos præscribendi potissimum sit; imò etiam titulum *putativum*, seu existimatū ex errore iusto, excepto titulo *emptionis*, per L. 48 ff. de usucap. ibi: si existimans, debere tibi, tradam, ita demum usucatio sequetur, si & tu putes debitum esse. Aliud, si putem me ex causa venditi teneri, & ideo tradam. Hic enim, nisi actio præcedat pro tempore, usucatio locum non habet. Ubi vides, solum titulum *emptionis putativum*, tanquam insufficientem, excipi; ergo in aliis sufficit titulus existimatus; sed de titulo *emptionis*, V. n. 2377.

**2368.** Ad 3. Resp. non sufficere in præscriptione temporis ordinarii, imò tunc nullum præsumi, sed titulum certum alligandum esse, & probandum per L. 27. ff. h.t. ibi: *Cellus errare eos ait, qui existimarent, cuius rei quisquæ bona fide adeptus sit possessionem, pro suo usucapero eum posse, nihil referre, emerit, necnè; donatum sit, necnè; si modò emptum, vel donatum sibi existimaverit, quia nequè pro donato, nequè pro legato, nequè pro dote usucatio valeat, si nulla donatio, nulla dos, nullum legatum sit.* Idem habetur clarius L. 24. C. de R. V. ibi: *nullo justo titulo præcedente possidentes ratio juris querere dominium prohibet.* Idcirco cum etiam usucatio cesset, intentio dominii nunquam absumitur.

**2369.** Dixi, ad præscriptionem temporis ordinarii; securus enim est in præscriptione

temporis *longissimi*, nimirum 30. vel 40. annorum; sumitur ex L. 4. C. de prescript. 30. vel 40. annor. ibi: *quicunque super quolibet jure, quod per memoratum tempus (40. annorum) inconcussum, & sine ulla reipsa illata judicaria contentione possedit, superquæ sua conditione, qua per idem tempus absquæ ulla judiciali sententia simili munitione potitus est, sit liber, & præsentis saluberrime legis plenissima munitione securus.* Unde in talicatu titulum supplet antiquitas rei possessæ; hinc, cùm L. ult. C. unde vi, negatur, bonam fidem præsumi posse, casus ibi est de illo, qui scivit rem alienam.

Cœterum bona fides non nititur unicè 2370  
justo titulo; sed sufficit inculpabilis ignorantia alieni. Ideò, ut quis exhibeat bonam fidem, necesse est, ut vel titulum, vel diurnitatem temporis alleget, quo rem posse dicit, Castropal. p. 22. q. 5. nu. 8. & ideo in præscriptione ordinarii temporis, fundamentum præscriptionis est *titulus*; in extraord. autem antiquitas continua posse. Hinc in iudicio neutrum præsumitur; fundamentum enim causæ probandum est. Quarè, qui sufficenter probat antiquitatem continua posse, cum bona fide, sufficenter probat titulum præscriptioni necessarium, quæ doctrina utroquè jure communis est; & constabit ex n. 2374. & 2375. Excipitamen, ut non valeat illa antiquitas, si aliunde constet de vitioso possessionis initio; tunc enim præsumptio cedit veritati. Exemplo sit, si tanti temporis possessor habet contra se aliam juris præsumptionem, vel jus commune resisteret possessori, & resisteret actori; V. Schneidewin. cit. Pirking. cit. n. 48. c. si diligenti, de præscriptionibus, & c. Episcopum, eod. in 6.

Quod in hac materia jure civili dispositum est de sufficiencia tituli *præsumpti* in præscriptione temporis *longissimi*, recipitur etiam in jure canonico, 2. Ad aures 6. h.t. cùm Pontifex inaudisset, duas Ecclesiæ litigasse super decimis, quas una eorum in alterius Parochia 40. annis posse dicit: respondit, de jure meliorem esse conditionem possidentis; quia quadragenialis præscriptio omnem prorsus actionem excludit; ubi tamen nota, hoc ius loqui de præscriptione *quadraginta annorum*; & ex hoc constat responsio ad 4.

Ad

2372. Ad 5. quantum pertinet ad *titulum*, requiri duas conditiones. 1. ut aliundē non sit præsumptio malæ fidei in præscribente; nam hæc præsumptio excluderet præsumptionem justi tituli, ut diximus n. 2370. Deinde, ut possessioni non resistat jus, eam nimirum prohibendo, ut habetur c. *Episcopum* 1. b. t. in 6. ubi rescribit Pontifex, Episcopum, qui Ecclesiæ, & decimas, quas ab eo alter Episcopus reperebat, *upone in sua Diæcesis itas, proponebat, se legitime præscriptisse, debere, cum jus commune contra illum faciat, hujusmodi præscriptionis titulum probare.* Licet enim ad præscribendam rem Ecclesiasticam, si jus commune præscribenti non est contrarium, vel contra eum præsumptio non habeatur, sufficiat bona fides, ubi tamen jus commune, vel præsumptio est contra illum, necessarius est *titulus*, nisi tanti temporis allegetur præscriptio, cuius contraria memoria non existat.

2373. Circa hunc casum not. 1. quando dicimus, ex possessione temporis *longissimi* non præsumi *titulum*, quando possessori jus resistit, intelligi eâ resistentiâ, vi cuius considerato jure communi res possessa ad possessorum pertinere noti debeat, licet possit iure speciali, ut notat gloss. in dict. c. 1. (v. g. decimæ in aliena Parochia) non autem resistentia, vi cuius jure illi negatur potentia præscribendi; nam talis nec ullo tempore, etiam cum titulo præscribere potest c. *Causam* 7. b. t. ubi Pontifex Parmensi Episcopo mandat, causam inter Reginensem Archidiaconum, & quendam Nobilem *super decimis*, debito fine decidi, non obstante præscriptione, vel concessione Ecclesiæ, aut secularis personæ, si Nobilis illam opponat; quia cum Laici decimas detinere non possint, eas nullâ valent præscribere ratione; ubi clatum est exemplum juris resistentis potentia præscribendi.

2374. Not. 2. dubitari, an in casu, quo Reus Actori (agenti v. g. petitori decimarum) opponit exceptionem præscriptionis temporis *longissimi*, cui resistit jus commune, ut diximus, requiratur, quod Reus alleget, & probet titulum legitimum; an vero præsumatur? Respondet Layman. in c. 1. b. t. in 6. n. 2. quod requiri tunc titulum, existimet Abbas in c. si diligenti 35. b. t. Francus ibid. n. 7. ipse tamen reputat di-

cendum contrarium, sicut tradit gloss. in c. i. V. *Titulum*, & in c. 2. V. *cundem*; quia si jus commune petitori non assistat, tunc nec possessori resistet in ordine ad hunc petitorem, consequenter præsumptio bonæ fidei erit pro possesso, si eum comparemus cum hoc petitore; siquidem in pati causa melior videri debet conditio possidentis. Exemplum: si Abbas unus contra alterum Abbatem agat judicio petitori decimarum; Abbas autem possessor objicit præscriptionem ortam ex 40. annorum possessione cum bona fide; non arbitror tituli allegatione, aut probatione opus esse. Hoc verum est, si Actor intentionem suam non habeat fundatam, ut ponit; sic enim ei jus non assistit, consequenter *quoad Actorem* Reo etiam non resistit; an autem hoc non obstante titulus præsumi possit in casu præscriptionis temporis ordinarii, cum ei jus ponatur resistere, non ita simpliciter dici videtur posse, nisi cum addito, *quoad Actorem*.

Not. 3. à dictis excipi præscriptionem temporis *immemorialis*, ibi: *nisi tanti temporis allegetur præscriptio, cuius contraria memoria non existat*; magnæ enim sunt temporis immemorialis prærogativæ, de quibus præcipua est, quæ hic habetur, quod possessionem temporis immemorialis *allegans, non teneatur allegare, & probare titulum.* Unde notat Wagnereck in Exegesi ad dict. c. 1. b. t. in 6. circa præscriptionem *immemorialem*, non censeri illam comprehendendulo statuto, aut lege, quatinvis generaliter excludantur omnes præscriptions; ut, si addatur clausula: *nulla præscriptione obstante*; quia tempus immemoriale speciale favorem atque æquitatem continet, ut adeò opus sit speciali derogatione, quæ tamen fieri non solet, si capacitas sit in præscribente, & res præscriptibilis.

Not. 4. ad præscribendum tempore ordinario non requiri determinatè titulum coloratum, sed sufficere etiam *existimatum*, excepto titulo *emptionis*; ratio primæ partis est ex L. 5. & 6. ff. *pro legato*, ibi: *ea res, quæ legati nomine tradita est, quamvis Dominus ejus vivat, Legatorum tamen nomine usucapietur, si is, cui tradita est, mortui esse existimaverit;* & L. 33. §. 1. ff. *de usucap.* ibi: *si justam causam*

sam habuerit, existimandi, se hæredem,  
vel bonorum possessorum Domino extitisse,  
fundum pro hærede possidebit: ratio secun-  
dae partis est ex L. 48 ff. eod. relatâ super-  
tiùs n. 2367.

2. III.

De possessione requisita ad legiūmam  
præscriptionem.

2377. Verum hoc postremum (de titulo emptionis) videtur habere quandam exceptionem, ut etiam sufficiat titulus emptionis solum existimatus in casu, quo alius (v. g. servus, vel Procurator meus, cui emptionem faciendam mandavi) eam mihi tradat, dicens: *se illam emissè meo nomine*. Nam de hoc L. fin. §. 1 ff. pro socio sic habetur: *at probabilius error possidentis usucaptioni non obstat, veluti si ob id aliquid possideam, quod servum meum, aut ejus, cuius in locum hereditario jure successi, emissè id falso existimem, quia in alieni facti ignorantia tolerabilis error est*, & L. 11. ff. eod. ibi: *quod vulgo traditum est, eam, qui existimat, se quid emissè, non posse p. o emptore usucapere, haec tamen verum esse ait, si nullam justam causam ejus erroris empiror habeat; nam, si forte servus, aut procurator, cui emendam rem mandasset, persuaserit, se emissè, atque ita tradiderit, magis esse, ut usucatio sequatur*. Unde ad hoc sufficit, quod ex parte Principalis, seu Mandantis in principio contractus bona fides intervenient.

2378. Difficultas esse potest, an ut præscribantur servitutes, saltem reales continuae, hoc est, habentes actum continuum, ut aquæductus, suagrundii (per hoc intelligitur pars tecti uniuscujusque domus, quæ incumbit extremis capitibus tignorum reticulium, ut exponit Pereyra in Elucid. n. 1415. vel juxta Spiegelum V. eod. tegulae propendentes extra tectum domus, ad parietum defensionem, ne imbris corruptantur) præscribens teneatur allegare, & probare titulum alium, præter scientiam, & patientiam domini: Resp. quod non, ex L. 10 ff. si servitus vindicetur, ibi: *si quis diuturno usu, & longa quasi possessione jus aquæducendi noctus sit, non ei necesse est docere de jure, quo aqua constituta est, veluti ex legato, vel alio modo, sed utiliter habet actionem, ut ostendat per annos forte tot usum se, non vi, non clam, non precario posse*.

sedisse.

\* \* \*

**Q**uid, & quotuplex sit *possessio*, constat 2378. Aliquam porrò possessionem rei; qua præscribenda est, requiri, certum est ex reg. 3. de reg. iuriis in 6. ibi: *sine possessione præscriptio non procedit*, id, quod etiam habetur L. 25 ff. de usucap. ubi tamen not. ex Ulpiano in L. Si quis ante. §. 1 ff. de acquirend. possess. longè aliud esse, possidere; aliud esse in possessione, ut notavimus n. 958. nam custodia causa Amicus, Procurator, Creditor in possessione est, qui tamen non possident, nec præscribunt.

Notandum. Specialiter in dicta regula non dici: sine possessione præscriptio non recipitur, vel non absolvitur; sed non procedit, ut indicet, possessionem requiri non tantum in initio, & in fine, sed continuo medio quoque tempore, & in progressu dum procedit à principio ad ultimum complementum, ut tradit Petrus Peckius ad dictam regulam 3. n. 4. Ratio porrò illius regulæ est, ex eo, quod lex imitetur naturam, §. *Minorem. insit. de adopt. naturaliter autem absq; possessione nihil acquiritur, L. naturaliter. ff. de usuc.* ergo nec jure, seu lege, quæ præscriptionem introduxit. Legislator enim habere voluit certum aliquod indicium, seu argumentum tam de animo negligentis domini, quam alterius occupantis, & dominium acquirere volentis; nullum verò maius animi testimonium esse potuit, quam ex possessione. Nam, qui possessionem rei alieñæ bonâ fide accipit, id indubio facit animo dominii acquirendi: qui verò possessionem rei lux apud alium esse finit, non videtur eam rem amplius appetere, sed pro derelicto habere; ergo.

Quæstio, est quæ possessio ad legitimam 2381. præscriptionem necessaria sit, & sufficiat? Resp. possessionem naturalem tantum non sufficere; secus civilem; ratio primi est, quia alias, etiam extra instans translationis, & contractus, posset Dominum esse penes præscribentem, & eum, contra quem præscribitur; deinde depositarius na-